



蘧廬稿

五羊韓上桂孟郁父著

五言古詩

雜咏

朝上東門城念與浮雲馳四海若茲大放意惟
所之東有青琅玕西有紫玉芝秉性得所欲仙
人爲我期青陽不相待日月漸虧遲且教飲美
酒莫學競娥眉吾望羨門子俯仰慰吾思
驅車涉泗水水綠漸車裳皖彼牽牛星欲濟河

無梁有婉彼季女盛年處空房青絲爲君被白
玉爲君牀珊瑚光照灼五色錯文章豈不慕芳
華佳人徒自傷涼秋多落葉白露變爲霜魚龍
處深淵鳳皇鳴高岡相思兩不見日暮空徬徨
斗酒暫爲樂寸心真共知堂高多古樹日暮生
涼颼同爲世上客冉冉竟何之高冠鬱崔嵬短
劍光陸離臨行重行行歎子未能歸報恩不在
大忿怨不在小前路少征人天長見飛鳥
蕭聲遠以揚琴聲淡以長佳人擾素腕入暮不

成章鸞鳩笑鵬鵬大小各有腸人生非豕鹿聚
合安可常誰云蕨可采攬之不盈筐悠悠四海
大相向在何方入門各自歎惆悵雙鴛鴦

萍草本無根託生江漢湄驚風一朝起各在天
一涯野月照庭帷清霜沾我衣同爲千里望何
處能光輝海燕不知冬蟬蛻不知春萬物各有
定吾生何所隣

中歲苦離別托心常不移胡爲雙鴻鵠誓志東
南飛鴻飛豈不高望者徒爲勞將適芙蓉沼復

往幽蘭阜霜雪久零落背上無餘毛常恐罾繳
密哀怨徒嗷嗷

黃雀倚簷屋棲棲若有求飲啄曾幾何網弋遂
見收飛燕處堂幕出入恣所投同爲世上鳥禍
福何異由機性苟未滅耳目動招尤考叔非不
賢罪乃起挾輶所以貴達人脫身事遨遊

見月

月出如金盤遙遙對城闕照下千仞谿波光隨
滅沒幽人抱長想感此歎玄髮三五喜正圓二
八旋又缺如何共照人使我容華歇涉江采芙蓉
登山拾薇蕨落葉委霜文天長靡可越

雜懷

夷齊雖渴死不飲盜泉漿顏回雖餓死不食覆
車糧螂蛆甘腐帶青蠅嗜惡壤鳳皇翔千仞振
足來高岡君子乘大道緬邈義與黃豈無曲者
容不若抗而方孔子不伯周管仲不皇唐小人
徒唧唧誰與論短長

木曲不避影貌醜不避鏡鏡豈爲我私影豈爲

我正周公被流言千古推大聖孔子厄齊陳
逡巡引天命君子靜修身此心如圓映善有華
衮隨惡有雷霆競夙興而夜寐努力承明盛

門有車馬行

出門有車馬天矯何所之云是漢中豪出身羽
林兒大父籍都尉長兄達牙旗小弟今十五執
戟侍彤墀居無官作事家有百萬資太平罷征
戰金印款東夷王侯多結納七貴競驅馳昨占
隴中田南盡渭水湄私煮蜀山錢潛通邸裏姬
鬪雞長安陌走馬北山隈珊瑚星灼爍寶絡丹
連垂行人皆辟易觀者並噓噓但恐富貴盡榮
華能久持

京洛行

京洛多貴盛子弟盡輕豪千金粧寶劍八綵綴
方輿依倚父兄勢傳誇禁闥高一門三繡節兩
族九旌旄抗禮尚書省平交左右曹家滿珊瑚
樹燈殘鸞鳳膏玉梁施翡翠寶杓酌葡萄金盤
賭大擲梟勝奪珠袍酒酣發巨鐘絲管競啁嘈

侍女展朱唇纖聲遏雲璇狂來驅賜馬却走南山
臯便欲揚鞭去因之赴臨洮聖代勤征伐吾
家舊有勞

古怨

絕代容華子灼若桃與李精采逐雲流下映千
江水秀色鮮黃金朱唇間皓齒就月寫瑤琴因
風調玉指哀響不勝情曲終還自起夫婿早遠
行頻年戍邊鄙家中有姑嫜又無弟與姊伏侍
具歡娛出入屏幾耳常恐陰風至霜露凋蘭芷
渴飲醴泉漿饑餐桂樹莖被服常矜持艱難無
與比芙蓉漾清漪鴛鴦戲中沚物性各有常予
美獨示此

遊積翠園

有序

余與汝載景衡兄弟姻婭也偶來竹林
吟嘯久之移時主人至苦我數大觥俄
而頹然醉矣旣乃卧我碧雲樓下時入
冬夜雨初醒起視方知其爲積翠園也
回念醉時謹呼浪謔真有可笑者主人

雖至愛客寧逢惡賓乎將行賦此亦解
嘲之意也

偶來辟疆園遊戲竹林下雲物遞清新花木低
相亞野樹蓋中庭餘陰蔭比舍礙日構飛楹攢
雲拱朱榭地僻鳥易馴澗絕虹仍跨蓄水灌蔬
畦寒流滌石罅疎菊晚逾鮮敗荷久已卸方冬
場圃成萬室入禾稼村巷出牛羊主人屬清暇
樽寬北海情屣倒中郎迂本自托石交況乃藉
姻婭屑語等琳琅芳詞襲蘭麝席地竟長筵臨
流洽飛竿珍饌絡珠盤竹厨行炙炙諸蔬錯蟹
蝦嘉果有橘蔗鬱金琥珀濃寶杓琉璃瀉博木
競裊牟選雋事壺射不醉爾無歸就逋我弗赦
調笑雜優俳喧囂恣瞋罵側弁轉悠然屢舞且
勿咤惡賓苦見逢稚子竊驚訝歡賞意正濃顏
色輕相借更久燼欲銷客休主未罷卧我碧雲
樓覆我青羅帕疎星點翠簾凍雨消長夜起視
覺茫然宿昔如羽化吁嗟此夕遊洵美美無價
天明起就途僕夫不肯駕豪性固由來賤子謹

致謝

戲示汝畫

寂寂對孤燈寥寥共斗室天地此中藏萬古惟
一日山深猛獸嗥草勁野風疾此意汝得之他
人徒自失

贈周生

周生湖海士結交輕黃金匣裏雙龍劍天邊明
月心浪跡東南隅睠言桂樹岑冷水漱吾齒清
風吹我襟有時幽興發往往動孤吟浮雲萬里
來當窻散其陰梧桐固佳樹翡翠信珍禽萬士
此真意嗟哉懷所欽

晚發南浦

登船發南浦桂楫輕相習一水既分流衆星從
出入起視覺茫茫夜久波濤急陰風從東來暗
雨與之集奔鯨噴流沫上襲飛雲濕豈無明月
珠遐哉非所及水怪不可言無使中流泣

題蘇汝載草堂

有序

夫道以意合義以神交故莊惠觀魚見

濠梁之真趣嵇向鼓鍛藉園柳之清陰
余與汝載俱性資獨徃道挾乖時每值
秋風灑落竹月蕭疎酌杯水不知溟渤
之大據槁梧不思樓閣之宏徒步相隨
虛室矢咏有年於斯矣嗟乎書不盡言
言不盡意作者每恨乎賞音生不同時
時不同域古人亦致惜夫知己況處當
濡沫德洽比隣投珠無按劍之疑鳴琴
有流水之聽有不追蹤接席發性抒靈
者哉暇日披視所爲文雖雕虫薄技重
有媿夫壯夫而敝帚千金頗各極其幽
致真玩弄終朝覺有餘閒周旋數載久
而不厭者也聊敷數韻叙厥寸懷

風動竹蕭疎水深波泱泱達人抱大觀幽室洽
清況山氣日夕佳雲影胸中盪羨具太古調節
擁仙人杖章服詎足論衣帶頽然放高卧北窻
前緬邈羲皇上少小竝疎狂長大同敦尚巨海
想廻瀾高山懷景仰吐語鬼神驚扣詞金石亮

通鑑卷一百一十五
五言古詩
秋竹協清彈楚蘭續幽唱屬興已超竒寄心復
閒曠石鼓裂周文孤碑掩秦嶂磨牙爾旣騰怒
臂我亦抗車騎儼成行劍戟森相向天高殺氣
凌雷動鼓音壯淮陰年少徒渭水老夫將匹敵
勢正宜當仁師不讓遇物構千形窮情刻五臟
意失眠欲枯理獲神俱王匪爾競虛華將以極
心匠寶筏萬人傳丹樓千古徧粉黛出天然精
微奪色相大雅竟誰陳玄風或此鬯華岳與岱
宗東西永相望

蘭亭卷爲王如水觀察題

披圖具勝遊緬邈蘭亭襖丹青起妙觀山水儼
佳麗高閣鬱崔嵬崇岡蔭松桂激水瀉湍瀾輕
雲淡搖曳深春佳氣含凌晨赴江溼席地竟長
筵臨流狎芳砌絲竹厭喧煩禽魚樂幽契拭目
觸琳琅紛携襲蘭蕙屬興競雕華敷詞吐玄詣
雅望數右軍妙畫誰能儷彭殤未易齊俯仰悲
感繫太傅高卧時擬結烟霞誓丹府信可陶景
物明清霽興公作賦才雄情抗川逝片語刻毫

蓬廬稱
芒藻雲冉冉流綴子猷夙嗜竹值迺修林憇保志
企箕由冥心探寥際謝萬頗淺浮飛情尙凌厲
異卉悵鮮榮青蘿指叢翳獻之性寡言含毫屬
諸弟翰墨匪所艱將爾玄情閉餘子巧拙殊各
以瀉幽滯罰者十六人浮白亦其例杯觸荇暫
停酒盡壺仍貫雅會洽茲辰餘風扇來世勝地
鬱然藏玄談詎可繼何日集時流願言結芳袂
舟抵羅陽宿清暉閣東寅仲諸昆弟

將陟羅浮巔會鼓豐湖柁金砂望尚遙江郭喜

初霽巷非北阮殊家有南陽系西壁覩令昆庭
蘭襲佳季宗誼夙所敦況迺洽幽契過里叙溫
寒登堂執往袂層軒許散愁短椽容小憇荒棘
密芟除秋花蒙遠砌開窻市霧黃對景江雲曳
絕壑跨長虹淨屏張隱翠坐久密觴行竹鑪湯
鼎沸精食具咄嗟菹醢雜薑桂枕寬晚夢涼客
休主亦睡夜雨滴葡萄輕風漑蘭蕙豈無池草
春協迺幽句麗天明起振衣相將恣玄詣石洞
費討尋攀崖緣薜荔葛真如可從締此烟霞誓

別如水王公

別緒不可道愁心枉自持感公磊落意少致胸
中詞男兒挾憤惋不獨饑渴私羽翼恨弗長放
志欲何之憶昔少年日飛騰竊自期白起小豎
子終軍黃口兒破趙未足齒請纓空博嗤努力
事雕琢振足效驅馳負薪誠黽勉掛角頓忘疲
思窺三畧秘擬集九流奇倫類數見推縱橫邁
等夷將翻鵬翮竦肯學燕棲卑此意竟何爲風
塵久自疑空存骯髒骨莫辨虎羊皮射策阻不
報握芳知贈誰蹉跎三十載浪跡越江湄貂敝
鶉仍結金空囊欲垂觸首膏繳礙曳履雌黃隨
同學寧傾耳居高詎俛眉泣枯憐鮒涸敝策怪
駘遲我公瀏遠覽晉接耀光儀道德余夙仰風
流世所師飲我甘露醴映我鷓鸞姿白日驅潛
魅青天躍絳螭似珠求合浦如桂拂瑤池自喜
占星聚何知傷路岐朝憑蜃海閣暮擁雍州騎
秦越逾萬里幽蘭徒見思大臣赴功業崎嶇豈
所辭空憐杖杜弱莫靠甘棠孳意苦詞彌溢憂

多步雅危平生少知已況迺悲春離病馬猶思
策枯條且欲披終當奮長劍不負信陵知

別蒙惟易歐陽興善歸南海

西北多浮雲搖曳過城闕遠接江上山近映杯
中月月色正朦朧天風仍虜發歸道歎悠長常
恐芳華歇芳華念故園春草憶王孫高屏橫翠
嶂遠樹澹孤村漱石厲其齒枕流滌煩喧故人
音信杳誰共對清言清言懷彼美室遠心則邇
一爲蒙莊生一爲歐冶子利器旣鮮儔逍遙託

萬里同志不同歸相思付蘭茝

都門別曾乾義

行年三十二所嚮皆無成西風吹我行萬籟送
悲聲雙劍在匣中隱隱作龍鳴我生本南越胡
爲睠上京射策阻不進羈棲欲何管人生世路
上去住如浮萍退者非獨拙進者非獨明夙興
而夜寐努力副榮名

與子乍傾蓋結交猶未久意氣倏綢繆形骸復
何有子亦初發矚光芒常在手水陸斷蛟犀四

遺廬稿 五言古詩 十三
顧誰爲耦偶然少挫頓雷電猶堪走余雖百折
餘磨厲心如舊大器貴晚成重璞忌輕剖積厚
光自流可以樹不朽

贈翟主簿

海上神仙尉雲間鸞鳳姿意氣苟不羣一官何
足縻皎如秋月照灼若朝霞披雖爲簿書困常
有好容儀腐鼠驕相嚇棘藩黷自嗤青雲長在
望逸性少人知何日釋塵鞅振羽揚天達

送馬仲高北上

京北有高臺下瞰易水流云是郭隗時寔佐燕
昭謀本爲孤羈客語合遂見收黃金空突兀駿
骨誰能酬斯人不可見嗟哉成荒丘君今挺高
足杳若控仙蚪青雲紛四映赤電歛然浮願言
弘此謨庶以干王侯

歲盡日云暮冉冉浮雲征俯觀萬物間大小各
有營之子獨何爲睠言懷上京豈無饑渴念所
志在成名人生多憤惋永夜中腸驚種松苦不
長幽花空自明採之貽遠道因風揚芳馨努力

善自愛母爲俗慮櫻

別劉觀國時初成進士

携來雙龍精竝是豐城物雄者干青雲雌者藏
秘室顯晦雖異趨精神原共匹風雨一夕來悲
鳴如自失茂先舊有言神物終當合

處則爲卞璞出則爲璠璵貴賤有時別精光永
不渝再別非所歎瑀琢深足虞大物戒小用盛
德貴若愚願言珍廊廟毋爲珮環需

登高易爲呼潤下易爲澤丈夫際風雲水擊恣
遠翮温飽何足言所志在驅策盛業繪雲臺餘
輝留竹帛努力副明時敢以効肝鬲

築室

築室傍南山山空蕨可摘絕磴俯寒流崩崖歎
斷石徑曲草漸迷砌滑苔如積地似桃源幽心
學枯禪寂蠹簡辨蚪文塵牀看鼠跡但撫一弦
琴莫銜連城璧梅開始知春莫落豈須曆少食
鮮所營久臥漸成癖四海詎云遙三公不足易
浩蕩物無仇逍遙以自適

猛虎行

朝逐猛虎行暮逐猛虎宿寄命口吻間形骸常
局感君子處危疑大道懷肅穆征東謹流言厄
陳戒微服幼主不我招衆口紛欲逐脩善苦無
餘襲惡亦不足得失在毫芒禍福爭倚伏窮巷
莽荆榛幽林恣蛇蝮惡露曉沾裳泥塗紛折軸
天高劍戟盈地大網罟屬憂思苦日長步危緣
澗曲性命詎足言所念在骨肉世道有波瀾人
情多反覆保性任虛舟存形尚愚谷何當凌暴

風超然恣所欲

贈汝載

燦燦園中花萋萋江上草令節旣密移萬卉同
枯槁人生非金石安得長美好所以貴達人勵
志事冥討大道詎可還緬思豐與鎬中夜起攬
衣愁絕心如擣努力承明時寸陰以爲寶

我有掌上珠精光射遠日遍視世上人棄擲防
泥汨雌子差解意寶之如恐逸青陽旣倏馳白
日亦西匿得失何足言所尚在膠漆請子歌一

聲爲子發瑤瑟白雲從東來霜露空颺颺時論
薄管鮑古道固無匹

處世薄面目結交忌浮沉與我千黃金不若一
知心知心之可貴愈於璧與琛卅花爲君笑曲
澗爲君吟世患無鍾期不患無良琴我有一盞
簪與子表素襟誰言將西歸我當漑釜鬻

古意

天地任玄虛山川總閒寂人生喜恬淡百事強
汨溺晨起逐車塵入暮駐轡軼賓客會高堂紛

然據華席酒酣發巨鍾絲管遇相易趙舞袖徘
徊燕歌聲絡繹椒醴腐中腸葷臊不可食清性
日消除濃心時剝蝕湍際少停鱗風林無定翼
金火終煎然老死同溝洫徒爲世上人擾擾竟
何極上士守安閑湛心常湜湜所以完天然匪
爾競容飾吁嗟黃綺徒吾將以爲則

出都門東區用孺太史

惻惻復惻惻遊子遵道側往路阻且遙天長杳
何極海燕旣先翔孤鴻從後發我欲挾之還相

遷居
五言古詩
將赴南越宇宙邈難託星辰看漸馳故園有叢
菊可以泛瑤卮碣石高峯吼黃金空自懸昭隗
不可見駿骨幾能存故人有深意強欲止我宿
綈袍不耐寒青精久未熟雄劍閉長匣隱隱作
龍鳴大德尚莫報睚眦何由平落葉辭高樹飄
颻離本根客心鬱若結倉卒思舊恩魯酒雖云
薄飲之不能盈憂懷有萬斛未酌心先醒握別
更何言幽芳挺孤植後會詎可常努力崇明德

五惜

有序

賁禹韓上桂孟郁著

萬曆丙辰余春秋四十有五始以乙榜受一
璫於中山其明年冬以憂去追惟少時賴先
人之教頗有知識爲海內羣公所賞拔乃賢
書列後惑志他岐矩矱輒違進取復謬今雙
親繼歿疇昔名流寥落罕存而余行業罔聞
鍾釜靡慰生我知我不兩負耶感而作五惜
以識余過煢煢在疚語多不文觀者尚哀其

意焉

惜歲月

一惜曰混沌既判倫類斯繁孕精川岳翕氣乾坤
芒兮芴兮莫測芴兮芒兮可原爲仙庭之寶樹爲
幽壑之寒蓀莫不玉挾懷中珠擎掌上羲御初升
霞光始放幼而岐嶷長而韶秀頭角崢嶸精神馳
驟驍駟策足於康衢鸞鳳揚輝於遠岫青春豫樂
以嬉以遊嬌姿婉戀逸態輕柔花朝誇其擲果月
夜笑其藏鈎陌頭桃李競芬芳波間鷓鴣映輝煌

綠鬢少年情自別錦袍公子意非常或鬪鷄而矜
勝或縹犬以爭先折柳中和之後執蘭上巳之前
自謂年華長駐春光不改買醉懷高尋歡事倍五
侯第內同追珠履之塵百人會中獨喝金盤之采
雨過雲迴兔轉烏催昔爲美好今已虺隤潘生有
搖落之歎顏駟有老醜之哀髮蒼蒼而就白齒兀
兀以將頽往日慷慨豪談憑陵俠骨扛鼎力雄冲
霄氣勃不覺蹉跎偃蹇夔屈龍鍾語言寡味嘻笑
無容感墜英之寂寂傷逝水之淙淙故日月盈則

五情
缺日中則曷善作不必善成善走何如善息金火
相守而流陰陽相薄而蝕湍澗之下鮮停鱗驚颺
之中無定翼雖有道叅玄牝術種靈禾覓丹蓬島
採藥崑阿終莫返虞淵之逸轍抗砥柱於傾河徒
疲夸父之策空倦魯陽之戈是以志士競其分陰
上聖輕其尺璧冠絰樹而弗求屨遺塗而靡索寧
焚膏以續明忍乘駒而過隙引鑑自照憂緒孔殷
四十已過五十無聞懼將來之有底嗟往事之徒
紛寄語髫年弱冠莫倚駕電噓雲

惜志行

二惜曰披典墳以逖覽有往哲之高蹤太上稟德
于天性其次歛節於陶鎔恒履貞而迪吉罔投徑
以卽凶何吾生之獨闇變往度而苟從當其聞禮
過庭執經負笈傍壁沼以棲遲分藜燈而講習亦
嘗仰止高山縱觀大海惕屋漏以興懷望塵紛而
恐浼歲月互換軌轍多岐珠以泥汨金逐煨虧猷
守方之困束樂放浪以游移遂託意漆園駕聲柱
下等毫末於太山喻萬物於一馬認仁義爲駢支

薄禮教爲虛假又况韻學染指綺語馳情將張末
隊課抗雄旌屈宋供其驅策崔張恣其譏評遂謂
吐鳳未工雕龍尚陋花開花落時賡野鳥之吟雲
去雲來或代天孫之繡鉢響在而篇成燭痕新而
句就於是豪心頓長逸興轉濃淋漓杯酒跌宕談
鋒同座駭其論說旁觀哂其形容崔瑗座右之銘
衛武初筵之戒箴每隳於垂成泉將淪於胥敗令
遂往而弗還誠不知其所屈嗟乎詭跡易炫矩步
難遵木從繩則直馬受勒斯馴詩書禮樂總生人

之布菽滑稽放誕寔世道之荒蕪用鈎吻以延齡
借羊皮而補貉愚夫且謂弗宜智士而云可作在
昔周處斬蛟誓志亦有戴淵投劍歸義聞微言而
忽惺受嚴規而靡棄割積習之牽纏證本來之清
粹並能流聲史籍作則士林就當時而共嘖歷異
代以同欽大道伊何迷途未遠譬彼農夫是穠是
藜苟夜氣之能滋願含芬於歲晚

惜遇合

三惜曰聖明在御品物咸亨龍興虎嘯道與時行

五州
有崎嶇之賤士獨壹鬱以傷情其處身也寡營其
與物也無競巽讓得之前聞淡約出于至性自言
家傍南海系遡安陽五雲曳采北斗垂光倚旗峯
之畢兗引珠浦之微茫舞象之年知名下邑入洛
之歲偕計上方梅花嶺畔白如霜楊子江頭映綠
楊維舟建業看春色走馬新豐問帝鄉聞道 天
朝招俊茂棘院森沉嚴晝漏凌雲杞梓並承斤照
日鷓鴣同入鼓効太平而獻策擬大寶以揚箴將
輸負曝之緼願漑烹魚之鬻燕臺雄駿似雲屯蹇

駑何堪重價論本期燒尾乘桃浪豈知點額困龍
門辭闔闔以逢飄遡河淮而旅泊題詩瓜步之亭
作賦荆溪之閣文酒盛以相從賓朋歡其共謔棄
九仞之成勞希千秋之杰作雕霞鏤雪逞新裁筆
底瓊花次第開似從緱嶺吹笙過又向岷江濯錦
回彈寶瑟以干齊服章甫而適越雖工巧以何爲
見趨舍之徒汨玉爲釜今珠爲糧金作楫今銀作
航欲療饑兮不可思遠涉兮何方豫五起而不中
管三戰而皆北諒天運之多艱亦人謀之近惑日

已邁今月亦馳虛盛際今空含悲求背城兮拾燼
顧然灰兮何時懼此生之泯沒故數過而長咨

惜怙恃

四惜曰木有本兮水有源覆高乾兮載厚坤泉化
雨而歸澗葉辭枝而冒根當吾親而失養何儔類
之可言自少入奉慈規出祇嚴命夜讀書樵冬溫
夏清願竊効乎微勞肯暫違乎初性江之魚兮可
饌庭之雀兮可羅慶椿萱之並茂慰棠棣之連柯
乘佳辰而貢喜候令色以輪和舞袖爛斑酬丹花

助咲稱觴諷咏則好鳥酬歌饑來驅人貧而願仕
倖厠賢書遂離故里一曝腮而南歸五揚鞭而北
指鼯鼠之技已窮駘駘之心未已幾跋涉於山川
徒頽瞻乎岵岵歲在闡茂橋木倏摧序逢荒落婺
女呈災八年之間連失怙恃酸辛畢嘗荼毒交至
欲仰戴兮無天思措履兮何地白雲飄其不還浮
萍盪其如寄亦嘗屈心釜祿託跡儒官微微溫於
簞席借一飽於菹盤庭對雙槐之秀齋涵片石之
寒

定州學正齋前有兩槐樹
雪浪石皆蘇長公所遺

情有同於捧檄義無

病於素餐然而燕越迢遙舟車逗遛北堂之望雖
殷東征之賦靡就腸一夕而九迴眉終朝而屢皺
秩甫溢於暮年哀遽逢於霜候使我蓼莪廢誦風
木馳思怵焉魄散渙爾精離空灑魚臯之淚莫遏
雍門之悲欲割股而罔救縱假翼以猶遲已矣哉
榆景逼兮虬漏催几筵寂兮杖屨煤覽杯捲兮起
痛披手澤兮街哀逐逐塵途祇自嬰夫韁鎖悠悠
世態曾何益於根荄玩白日而弗愛任高年之屢
推餅而旣罄耻乃在壘是以玉質躬耕傳咸解職
絕意鶩華但思竭力庭巢返哺之鳥徑刈鉤衣之
棘用伸報於須臾忍忘恩於罔極誰無父母我獨
匪人揚名靡遂養志無因從此奄綿喘息索寞形
神摠無裨於名教惟作蠹於夷倫計麤衣而糲食
守淡約以終身

惜知已

五惜曰靡德弗讐無言不報雖驗物情寔徵天道
故佩刀以之輸誠緇衣用之明好片言之譽義有
重於百朋一飯之恩感或同於再造况僕本庸劣

越在荒蠻聲名莫達進取常艱賴早聞乎訓誨免
 終墮於愚頑覩鳳飛而思附仰虬舉而願攀求追
 蹤於逸駕庶矯樹於塵寰憶管豹管初窺芸編試
 檢力同弱殼之翻丹學輕霞之染邑令則楊侯曰
 言雲南人郡理則魯公曰點湖廣人乍觀許之為
 號慎吾
 驂騑再見題之為琬琰呼小友以忘年抗上交而
 靡諂比探泮藻爰應公車則有鑑符郭泰賢埒曾
 輿遠接仙系近奉丹廬郭也為浙潮之拱壁曾也
 為閩海之珍璵一提衡乎庠籍郭汾陽先生浙江
大戊子督學廣東

一典校乎鄉書曾蒼巖先生福建人咸審音而歎

賞每屬意以勤渠論欲置之座側賦特薦夫子虛

復有璧沼鉅工瀛洲貴仕胡監丞之淹博品重南

金胡少白先生劉祭酒之精研名高赤幟劉允陽先生

具天下之模楷秉人間之鑪錘啓太學以談經集

羣髦而命試交口推揚進而器之曰子非羅浮之

幽桂庾嶺之早梅耶升孔之堂可匹游而班夏遊

梁之苑可掩鄒而奪枚母弛心於淬礪尚抗志於

塵埃三復斯言恍焉在耳廿載驅馳長途蹇否學

五情
業罔成功名徒爾嚮之竝號憐才亟稱知己樂借
吹噓俛加料理此日皆翛然羽化杳爾雲征莫副
昂霄之望有孤倒屣之迎生者含羞於辱盼沒者
抱憾於傷明離離者實橘維榮矣徙而在北枳焉
更矣變遷靡定隳厥成矣德厚莫報虛吾生矣山
則有榛隰則有芷云誰之思西方彼美日月不居
年華若駛罷敝可鞭老驥千里竊不敢自棄於清
評戢遺箴而永矢

傲騷

沈閔

不孝孤上桂泣著

上桂

蹇劣幼服庭訓長辱知於名公幸列賢
書竊謂弱駒受策千里可致而公車入對報
罷者數自知不材始退然有丘壑之想欲奉
二親以終身迺先君子年僅六十遽爾捐世
且遡厥疾端有難顯言者昔屈原行修志潔
爲其宗人蘭椒所害以今揆古痛豈異乎余

枕塊欲死莫可控訴迺竊放怨騷為沈閔一
篇畧叙姓系因布哀衷焉

肆南陽之苗裔今暨弓高而始著

顏當仕西漢封弓高侯

歷

晉唐以有聞今迄相州而顯遇余祖開基於魏國

今派殷繁而四布

琦仕宋封魏國公

守幕職於嶺南今遂

賁禺乎卜處維三十官之隱修今對灞水而容與

宋末祖三十官人隨其父任幕東粵因隱居番禺古壩鄉

續韋經以啓佑今向

青雲而步武伊安仁之閔偉今工錦製以揚聲

國朝

族祖宗堯為安仁令有聲

武崗之佐刺秩今譽交注於賢明

曾伯

祖循舉孝廉仕武崗州同知

位雖卑而未達今德並樹以榮名

余少服皇祖之訓今吏期垂乎清白于公之廣厥

門巷今福若兆乎龜策

祖芳為清白吏典獄時活人甚眾

慝無隱

而弗彰今誠無微而弗格雖輶軻其奚悔今仁獨

安其如宅迨余考其勤率今道正融而靡曠考澗

繁以自適今志弗習乎詭隨

先嚴隱居教授平生無偽言曲行

盛

幽蘭以獨佩今屏蕭艾而不携璧在握而靡售今

誨惟取乎式穀述先烈之可循今譬中原之有菽

余幼婚而善病今誘之以舒徐執七箸以諄復今

雖飲食而罔虚心隱隱其如動今甫齟齬而知勸
 觀辟雍於童年今舉孝廉於弱冠荷孫陽之特識
 今駒始躍而輒蹶豈弱力之難前今將轡銜之竊
 詭意飄蕩以難束今遂徙業於他藝驗藥餌於仙
 經今習方技之瑣細置靈根而弗沃今托繁枝以
 自翳遂汗漫於羣編今田甫田以滋穢嗟居諸之
 易邁今年倏登乎四十無道德之可式今無勲業
 之可述願退處於林壑今奉吾親以盤桓製荷衣
 以明好今具菽水以承歡時不吾知其已矣今祈

天性之常完委仕進於仲季今余巖居而川觀

仲弟

韜舉武科季弟
上梓邑諸生

運喻巖其靡測今悼吾考之遽殞

由服義而跣怨今屈修仁而椒慍偽結交以相狎

今蒸醜毒而致困賴良扁以少延今竟痞塞而成

吝傷鬱邑其莫解今歎余罪乎通天乏蔡順之精

誠今同臯魚之涕漣進靡沾乎釜祿今退莫施乎

萊綵萱孤生而若瘁今桂被凋而將殆長飲血以

自傷今覺餘生之已贅魂渺渺其無定今余終不

知其所稅哀繫善之無徵今怨前志之竟虛招列

仿駢
三
缺之我察今藉豐饜以汎除苟夙恨之獲消今吾
何愛乎斯須亂曰韓之爲宗末乃大兮世服圖史
靡有懈兮修而獲妬衆所怪兮植莪得蒿孰與慰
今天道茫茫惜矇昧兮

傷逝

日月奄其代序兮傷吾考其何之指九天以爲正
兮就臯繇而陳詞余考平生其皎潔兮何緝塵之
能集惡若汚而易浼兮善若趨而靡及行篤信於
重玄兮志惟守乎先服藝幽蘭以待佩兮俟橘袖

乎將實何彼昏之恣戾兮紛不知其所仇嫉吾考
之懷正兮汝何爲其好修執往釁而致咎兮設機
穽以來求痛靈均之迨禍兮盛荆棘而靡掃彼如
意之遇醜兮怪終加乎呂媼懟矩步俾速蹶兮彼
年亦爲之不延雖詭謀之竟售兮鑿莫逃乎高天
遺二孽以相戾兮余九死其何畏捫余心而靡負
兮任桀犬之羣吠鷹至春而鳩化兮覺彼目之可
憎蕢菜蔬之浸茂兮皇塗懼其穢藜曰盍祖詐以
陰夷兮非余心之所忍余逐禽而範轡兮終無昧

此幽隱維輕重之在衡兮揆正義而攄憤苟余力
之既竭兮經重燼而未泯余播之而不可兮覆之
又不能身已付於波瀾兮足復履乎嶙嶙嗟民生
之咸固兮余獨坎壈而無憑

悲皇天

悲皇天之不余祐兮禍先集于吾考道清明而靡
揚兮德純靜而弗保謂仁者其克壽兮曾奉訓於
尼宣何今昔之刺謬兮余曷已其涕漣余幼奉吾
考以週旋兮歷艱難而靡倦遽奪考以往兮使我

呼天而浩怨天乎何不恤兮何辜乎考之人考而
可殞兮殃願代於余身余德涼而靡數兮遠不躡
考之什一徒孤生以熒熒兮覩吾顏而食是索民
生有子以待老兮余負之於末年沒余齒而猶悼
兮罪何解于皇天余聞杞人之煩憂兮嘗竊以爲
過計仰余觀而靡覆兮怪天運之倏替萍飄飄而
罔定兮傷哉無父之子人有身以待用兮余今而
可以死難而弗殉兮病而弗扶子兮如此兮胡取
乎藐爾之孤數往愆以自尤兮非一言之可旣雖

軀殼之倖存兮魂已盪其如棄石可銷泉可竭兮
終難泯乎斯志亂曰輿載蒼蓋以有生兮天而實
紀隳厥辰兮行焉胡底坐靡寧兮於嘻歔歎怨何
時得平兮

顓哀

涉冬背秋兮草木黃落道行江峽兮山川寥廓忽
聞訃哀兮震欲摧魂有考而弗追養兮胡庸厥身
託輕籃以宵奔兮繼之以馳騎復敝策而弗前兮
步欽岑而願至余馬蹇余足罷兮幾顛隕而莫憇

涕滂沱以交灑兮日淫淫而靡乾聲哽咽以悽楚
兮氣鬱結其若吞面垢墨以駭矚兮骨槎牙而凋
殘夜顓枕而弗寐兮晝飲泣而不能餐願從余考
于杳冥兮懼前憤之未釋眷北堂之悴萱兮苟存
生乎朝夕仇力壯而難克兮覺煩惋之填胸據三
窟以自庇兮顧執獲之無從守余志以終効兮冀
克壽之有窮天道若昧兮網踈無失疇宿美而弗
宣兮疇襲昏而弗削愚公之移山兮靡貳厥誠精
衛之啣木石兮東海揚塵貞苟操而未變兮何病

力之綿也捐余軀以就之今求無負于涕之先也
余驚險以申志今衆口信而吠余曰胡修怨於旣
往今不隱嘿以寧居余知冒刃之銜傷今悲思而
不可遏也畢余誠而下隕今其猶愈夫枉之活也
余倖生亦旣久今何纏牽而弗割也知瀕死而奮
觸今祈以致帝之罰也亂曰復後之慄履霜枝兮
手莽怒蠶螫弗疑兮天不可測吾虔以俟之兮

弔吳

帝懸穹以下弔兮廣照耀此民生惟善惡之不爽
兮訖于身而咸平蘭付燼以猶芳兮蕭始萌而旣
臭桂垂陰而願蔭兮棘刺裳而致咎固昏暴之難
醒兮遺衆菑於爾後德莫盛於旌賢兮毒莫憐於
尼善怵入井以亟拯兮胡戈矛之屢戰保克力以
外拒兮勢爭得而罔犯余邀雲漢以鑒觀兮漢黯
淡其無明招槍楛以斥逐兮交偃息乎上方文昌
之緩懦兮非我所訴三台叅錯而靡平兮孰能察
余之故歷太微以乞憐兮執法告余以不閒貫索
之隱見兮啓北戶以逃奸余張弧矢以射天狼兮

孤撓弱而難遠參旗之拂長天兮鉞含愠而靡展
嗟畢星之在列兮謂汝網罟胡弗先南箕之哆其
口兮欲昵讒而助之言凜信信於守閭兮天狗羣
而迎噬螭蛇之舔其齧兮盛毒怒而莫制余以飛
廉爲迅掃兮驚飈舉其何之豐隆殷而欲動兮羗
中路而遲違或告余以列缺之閃鑠兮屏翳忽而
來蔽冀望舒之嗣厥陽暉兮胡旣盈而倏替控衆
神而靡極兮氣軫結以如惓維彼昊蒼之無私兮
始若寬而竟嚴雖淫慝之驟富兮恒聚族而就殲
呼北斗以迭轉兮孰辰星之敢忒命五帝使行令
兮風雷趨其効力魄化熊而入淵兮肉投虎而不
食曩驕蹇以睢恣兮倏影沉而響息垂昭誠於殊
代兮著荒回之不可作亂曰凡民瞽惑妬貞賢兮
設機造怨誣重玄兮血氣暴強覬倖延兮剝極當
復久而顛兮告爾凶祥慎厥門兮

精對豈惑鶴重志令血屏暴鉅贈卦或令條對當
 升令普荒田之不有卦獨曰此另替滋敬貞賀令
 貪暴醜妻以艱志令對潔武而響息垂邱精飲燕
 令風雷鼓其吹女期外類而人職令凶對氣而不
 平非中以淺轉令據是星之類如命正帝對行令



